

## ԶԲՈՍԱՇՐՋՈՒԹՅՈՒՆ

1. **Հարցաթերթիկ**՝ համապատասխան կերպով լրացված իսպաներեն կամ անգլերեն լեզուներով՝ ստորագրված անձամբ դիմողի կողմից: Իրենց սեփական անձնագիրը չունեցող, այլ մոր/հոր անձնագրում նշված երեխաների համար նաև անհրաժեշտ է հարցաթերթիկի ձևաթուղթ լուսանկարով: Անչափահասների փոխարեն դիմումը ստորագրում է ծնողներից կամ խնամակալներից մեկը:
2. Երկու գունավոր 3,5 x 4,5 սմ լավ որակի **լուսանկար** սպիտակ ֆոնի վրա՝ արված վերջին 6 ամսվա ընթացքում: Մեկ լուսանկարն անհրաժեշտ է փակցնել հարցաթերթիկին:
3. **Արտասահմանյան անձնագիր**, որը վավերական է Շենգենյան գոտուց մեկնելու վերջին ենթադրյալ ամսաթվից հետո առնվազն երեք ամսվա ընթացքում, որը պարունակում է առնվազն երկու մաքուր էջ և տասը տարուց հին չէ:
4. **Արտասահմանյան անձնագրի բոլոր էջերի պատճենները** (նույնիսկ դատարկ):
5. **Այլ արտասահմանյան անձնագրեր**՝ գործող և չեղարկված:
6. **Այլ գործող և չեղարկված անձնագրերի բոլոր էջերի պատճենները:**
7. **Համաքաղաքացիական անձնագրի բոլոր էջերի պատճենը:**
8. **Անչափահասների համար**՝ ծննդյան վկայականի բնօրինակը և պատճենը:
9. **Կացարանի հաստատում** (հյուրանոցի ամրագրում / բնակարանի կամ տան վարձակալության պայմանագրի պատճեն և այլն) մնալու ամբողջ ժամանակահատվածի համար, որը Հյուպատոսությունը կկարողանա ստուգել:
10. **Բժշկական ապահովագրության պոլիս**, որն ընդգրկում է մնալու ամբողջ ժամանակահատվածը կամ առաջին ուղևորությունը և վավերական է Շենգենյան համաձայնագրի բոլոր երկրների համար (Անդորրա ճանապարհորդողների համար՝ ապահովագրական պոլիսի տարածքային ծածկույթը պետք է տարածվի Շենգենի և Անդորրայի վրա): Պոլիսը պետք է ծածկի բոլոր ծախսերը, որոնք կարող են առաջանալ բժշկական պատճառներով հայրենադարձման, շտապ բժշկական օգնության, շտապ հոսպիտալացման կամ մնալու ընթացքում դիմողի մահվան կապակցությամբ: Ապահովագրական ծածկույթը՝ 30.000 դոլարից ոչ պակաս: **Գունավոր տպագրված կամ կենդանի կապույտ կնիքով:**  
Ապահովագրական դեպքերը հատուցվում են Շենգենյան համաձայնագրի երկրի կողմից: Ռուսական ապահովագրական ընկերությունների կողմից թողարկված պոլիսների դեպքում այդպիսի պոլիսները կարող են դիտարկվել որպես անվավեր՝ ԵՄ կողմից տվյալ պահին գործող սահմանափակող միջոցների պատճառով: Կարող է պահանջվել բժշկական ապահովագրության պոլիս՝ տրված ոչ Ռուսաստանի Դաշնության տարածքում:
11. Երկկողմանի ուղղությամբ **ավիատոմսերի ամրագրում:**
12. Եթե ճանապարհորդում եք սեփական մեքենայով, պետք է ներկայացնել ավտոմեքենայի տեխնիկական անձնագրի, վարորդական իրավունքի և ավտոմեքենայի միջազգային ապահովագրության (Գրին Քարդ) պատճենները: Եթե մեքենան վարձակալված է, ներկայացնել վարձակալության պայմանագիրը: Նաև ներկայացվում են պլանավորվող ուղևորության տպագրված երթուղային թերթը՝ նշելով օտարերկրյա պետությունների սահմանները հատելու ամսաթվերը:

13. **Տնտեսական երաշխիքներ.** Աշխատանքի վայրից տեղեկանքի բնօրինակ: Դիմողները, որոնք ունեն սեփական բիզնես, ներկայացնում են ձեռնարկության գրանցման վկայականի պատճենը և հարկ վճարողի հաշվառման համարի (ՀՎՀՀ) փաստաթղթի պատճենը: Տվյալ փաստաթղթերի արդիականությունն է՝ տրման ամսաթվից 1 ամիս:

14. **Ֆինանսական երաշխիքներ.** Մեկ հոգուն 95 € մնալու յուրաքանչյուր օրվա համար (առնվազն 855 եվրո մեկ մարդու ուղևորության համար): Բանկային հաշվից քաղվածքի բնօրինակ (բանկի ձևաթղթով), որը տեղեկություններ է պարունակում նշված հաշվում վերջին երեք ամսում դրամական միջոցների շարժի մասին: Նաև դիմողը կարող է տրամադրել արժույթ գնելու մասին տեղեկանք:

Ուղևորությունը հովանավորելու դեպքում ներկայացվում է տպագիր տեսքով հովանավորչական գրություն և հովանավորի ֆինանսական երաշխիքները (քաղվածք բանկի հաշվից կամ տեղեկանք արժույթ գնելու մասին):

15. **Օտարերկրյա քաղաքացիները** ներկայացնում են հետևյալ փաստաթղթերից մեկը՝ կացության քարտ, ժամանակավոր մնալու թույլտվություն, աշխատելու թույլտվություն, աշխատանքի արտոնագիր կամ ՀՀ-ում տվյալ Հյուպատոսության հյուպատոսական տարածքի երկարաժամկետ վիզա: Դիմողը պետք է հաստատի վերջին 6 ամսվա ընթացքում իր անընդհատ գտնվելը ՀՀ տարածքում վերը թվարկված մեկ կամ մի քանի փաստաթղթերով:

16. **Անչափահասների համար,** որոնք մեկնում են առանց ծնողների/խնամակալների ուղեկցության, անհրաժեշտ է տրամադրել նոտարական համաձայնություն մեկնելու վերաբերյալ երկու ծնողի կողմից, եթե անչափահասը ճանապարհորդում է մենակ, երրորդ անձի կամ կազմակերպության հետ:

Նոտարական համաձայնությունը պետք է պարունակի այն մարդու անունը, ով անչափահասին ուղեկցելու է ուղևորության ընթացքում, և մեծահասակի անունը, ով երեխայի համար պատասխանատվություն է կրելու նրա՝ Իսպանիայում գտնվելու ընթացքում: Նոտարական համաձայնությունը պետք է տրված լինի ոչ վաղուց (փաստաթղթերը ներկայացնելու ամսաթվից 6 ամսից ոչ ավելի) և ամբողջովին ծածկել ուղևորության ամսաթվերը:

Միայն մեկ ծնողի/խնամակալի ուղեկցությամբ մեկնող անչափահասների համար անհրաժեշտ է տրամադրել մեկնման վերաբերյալ նոտարական համաձայնություն երկրորդ ծնողից/խնամակալից: Այն դեպքում, երբ երեխան գնում է ծնողների/ծնողներից մեկի/ուղևորության ընթացքում երեխային ուղեկցող այլ անձի հետ միասին, իսկ ծնողները/ծնողներից մեկը/ուղեկցող անձն արդեն իսկ ունեն վիզաներ/վիզա, ապա անհրաժեշտ է տրամադրել դրանց/դրա պատճենը և ավիատոմսերի ամրագրումը, որոնք հաստատում են երեխայի ուղեկցությունն ուղևորության ընթացքում:

Խնամակալության տակ գտնվող անչափահաս դիմողների համար անհրաժեշտ է ներկայացնել երեխայի մեկնելու վերաբերյալ խնամակալության մարմինների համաձայնությունը՝ անկախ նրանից, թե ում հետ է գնում երեխան (երկու խնամակալների/խնամակալներից մեկի/3-րդ ուղեկցող անձի հետ):

Երեխայի մեկնելու վերաբերյալ համաձայնություն ներկայացվում է նաև հետևյալ դեպքերում.

- Ծնողները կամ ծնողներից մեկը ժամանակավորապես կամ մշտական բնակվում են Իսպանիայի տարածքում;

- Երեխան և ծնողները/ծնողներից մեկը/ուղեկցող անձն ուղևորությունից վերադառնում են տարբեր ամսաթվերի;
- Երեխան և ծնողները/ծնողներից մեկը/ուղեկցող անձը մեկնում են ուղևորության և վերադառնում են միասին, սակայն ծնողները/ծնողներից մեկը/ուղեկցող անձը երեխայի՝ Իսպանիայի տարածքում մնալու ընթացքում պլանավորում են/է որոշ ժամանակով լքել Իսպանիայի տարածքը;
- Երեխան և ծնողները/ծնողներից մեկը/ուղեկցող անձը ճանապարհորդում են տարբեր չվերթներով: